

史學輯佚文獻彙編

翟金明 主編

國家圖書館出版社

37

魯世家索隱
二諸侯年表引同
名軌左桓元年正義

穀梁疏

史學輯佚文獻彙編

37

明堂正義

中華書局

第三十七册目錄

別史類(三十七)

謝沈後漢書	(晉)謝沈撰	(清)姚之駟輯	一
謝沈後漢書一卷	(晉)謝沈撰	(清)黃奭輯	七
漢南記一卷	(晉)張瑩撰		二一
袁山松後漢書	(晉)袁山松撰	(清)姚之駟輯	二五
袁山松郡國志一卷	(晉)袁山松撰	(清)王謨輯	五九
袁山松後漢書一卷	(晉)袁山松撰	(清)汪文臺輯	六七
袁山松後漢書一卷	(晉)袁山松撰	(清)黃奭輯	一一五
袁山松後漢書	(晉)袁山松撰	(清)杜文瀾輯	一七一
後漢書一卷	(清)王仁俊輯		一七六
失名氏後漢書	(清)汪文臺輯		一七九
吳書鈔一卷	(清)王仁俊輯		一八五

吳錄一卷 (晉) 張勃撰	一八七
吳錄 (晉) 張勃撰	一九三
張勃吳地理志一卷 (晉) 張勃撰 (清) 王謨輯	一九五
吳錄逸文 (晉) 張勃撰 (清) 杜文瀾輯	二一六
吳錄一卷 (晉) 張勃撰 (清) 王仁俊輯	二一九
王隱晉書地道記一卷 (晉) 王隱撰 (清) 畢沅輯	二二一
晉書地道記一卷 (晉) 王隱撰 (清) 畢沅輯	二六五
王隱晉書地道記一卷 (晉) 王隱撰 (清) 王謨輯	三〇一
王隱晉書一卷 (一) (晉) 王隱撰 (清) 黃奭輯	三二九

欽定四庫全書

後漢書補逸卷十六

監察御史姚之駟撰

謝沈後漢書第一

鄭敬隱居

敬閒居不修人倫新遷都尉逼為功曹廳事前樹時有
清汁以為甘露敬曰明府政未能致甘露此青木汁耳
辭病去隱處精學蛾陂中陰就虞延竝辟不行同郡鄧
敬因折芟為坐以荷薦肉瓠瓢盈酒言談彌日蓬廬華

門琴書自娛光武公車徵不行

案范書敬字次都與鄧惲同為汝南門下掾相厚甚後惲舉孝廉敬終不就爰坐荷盤千載韻事宜入世說棲逸卷中范附載鄧惲傳

胡廣定漢制

太傅胡廣博綜舊儀立漢制度蔡邕因以為志譙周後改定以為禮儀志

案范書禮儀志應係節錄舊文謝書獨窮其源似不欲竟拊為已有者其厚薄何如近世著述家林立然往往有借昔人不傳之書掠美自銜甚則前賢成書無力鉅板從其子孫售之以為已作又否則抄撮諸

書類為一編不足當識者一哂矣竊人之財猶謂之盜況竊人之書以成己名乎

蔡邕撰志

蔡邕引中興以來所修者為祭祀志

蔡邕撰建武以後星驗著明以續前志譙周接繼其下

案邕徙朔方上書求還續成十志其後書旋告成譙周繼之亦邕之功臣也

閔貢

閔貢字仲叔

案貢

已見

皇后配享

上以公卿所奏明德皇后在世祖廟坐位駁議示東平王蒼蒼上言文武宣元祖祫食高廟皆以配先帝所制典法設張大雅曰昭哉來御慎其祖武又曰不愆不忘率由舊章明德皇后宜配孝明皇帝於世祖廟同席而供饌

案東平以遵祖制為典禮不事更張允為至當大雅詩今本作昭茲來許繩其祖武

大水

安帝永初元年郡國大水漂沒民人死者以千數

案范書是時郡國四十一大水

蝗

延熹九年揚州六郡連水旱蝗害

案范書不載

雍鄉

燕有雍鄉赤眉所改

牛蘭山

魯陽有牛蘭山

案范志南陽郡魯陽有牛蘭累亭不言山

參繚

參繚有青山屬國降羌衆數千人居山田畜

案參繚在北地郡故屬安定見范志

後漢書補逸卷十六

謝沈後漢書序

昔唐李濟翁資暇集遼僧廣濟龍龜手鏡各
著出處并著其所出書之第幾卷第幾頁以
示有徵

本朝實事求是拾骨家務爲其難今姚本縱
不能細注原引卷頁何致昧其本來卽如謝
靜思曾撰晉書三十餘卷余已仿龍龜手鏡
例同近輯十八家晉史刊入逸書考史部中
矣靜思本傳作行思會稽山陰人閑居養母

服闋除尙書度支郎明鍊經史有史才先著
後漢書百卷及毛詩漢書外傳詩賦文論皆
行於世或謂一百二十二卷殆兼後漢書漢
書外傳而言歟是書與偉平謝書袁書司馬
書薛記東觀記皆經惠定宇先生取爲今後
漢書補注范書全襲華書視偉平書東觀記
人物僅十之四五畧事實而趨詞采誠不可
無補而注之者爲章懷諍臣所不解定宇先
生于深甯叟鄭易旣用資暇集例至今奉爲

拾骨正宗而獨於補注范書時引用如此種
書不注來處竟與姚本同定翁且然他何足
論徒以有舉莫廢而仍錄侍御原輯本爲逸
後漢書之一

道光辛丑長至日甘泉黃奭右原

附姚之駟原序

山陰謝沈有孝行博學多識明練經史何允
庾永並稱沈有史才遷著作郎撰司馬書三
十餘卷及毛詩漢書外傳詩賦文論皆行於

世典午史云沈曾著後漢書百卷余靖以爲
一百二十二卷又云官祠部郎未知孰是今
茲所存麇豹之一班孔鸞之一羽耳然觀其
述禮儀祭祀諸志原原本本似不欲攘人美
以爲已有者亦良史才也史稱其學在虞預
之右信然沈字行思中興書作靜思

子史鉤沈

逸書考

謝沈後漢書

甘泉黃恩掄

序

士庶流宕他州異境

文選張景陽七命注引謝沈後漢書序又見皇

甫士安三都賦序注明刻六臣注作謝沉切刻李善注作謝承

光武

光武攻清陽不下引兵欲攻宛至小長安與

甄阜戰敗

水經清水注惠棟後漢書補注一

甄阜等敗光武于小長安東乘勝南渡黃澤

水前營背阻兩川謂臨泚水絕後橋示無還
心漢兵擊之三軍潰溺死黃淳水者二萬人
同上惠氏補注一

安帝

永初元年郡國大水漂沒民人死者以千數
姚之駟後漢書補逸案續漢書五行志二安
帝永初元年郡國四十一水出漂沒民人注引
死者以千數姚蓋以五行志補足文義

永初六年正月甲寅謁宗廟
後漢書安帝紀注

桓帝

延熹九年揚州六郡連水旱蝗害姚氏後漢補逸

赤眉

赤眉攻雍卿續漢書郡國志三注姚本燕有雍卿赤眉所下脫攻字蓋亦融會郡國志以成文

東平憲王蒼

上以公卿所奏明德皇后在世祖廟坐位駁

議示蒼姚本蒼上有東平王三字又重一蒼字上言文武宣元

祖祫食高廟皆以配先帝所制典法設張大雅曰昭哉來御慎其祖武又曰不愆不忘率